

AGENDA

Bydd y Cyfarfod yn dechrau am 9.05am

Eitem 1

Cwestiynau i Andrew Davies, y Gweinidog dros Ddatblygu Economaidd

Cliciwch [yma](#) i weld y cwestiynau.

Eitem 2

Cwestiynau Cyllid i Edwina Hart, y Gweinidog dros Gyllid, Llywodraeth Leol a Chymunedau

Cliciwch [yma](#) i weld y cwestiynau.

Eitem 3

Datganiad: Y Gweinidog dros Ddatblygu Economaidd ar Arian Cyfalaf ar gyfer Cyfleuster Newydd yn Shotton i Ailbrosesu Papur

Eitem 4

Dadl ar Adroddiad Terfynol yr Adolygiad i Ddyrannu Adnoddau y GIG

NDM974 - Cynnig bod y Cynulliad Cenedlaethol:

1. Yn croesawu Adroddiad yr Athro Townsend ar dargeddu iechyd gwael yng Nghymru;
2. Yn cymeradwyo'r egwyddorion a nodir yn yr adroddiad ar gyfer mynd i'r afael ag anghydraddoldebau iechyd yng Nghymru;
3. Yn cydnabod y bydd y broses o'i roi ar waith yn dibynnu ar lefel twf mewn gwahanol ardaloedd, lle bydd pob rhan o Gymru yn parhau i weld cynnydd yn y swm a ddyrennir, er mwyn cyllido cynnydd yng nghostau'r GIG a lwfans i ariannu'r blaenoriaethau y cytunwyd arnynt a datblygu gwasanaethau;
4. Yn ailddatgan pwysigrwydd cyfraniad parhaus y gronfa anghydraddoldebau iechyd wrth fynd i'r afael ag amddifadedd iechyd ym mhob rhan o Gymru;
5. Yn edrych ymlaen at ddechrau'r broses weithredu ym mis Ebrill 2003;

6. Yn nodi'r gwaith ychwanegol sydd angen ei wneud er mwyn mireinio'r fformwla cyn ei rhoi ar waith gan gynnwys gwasanaethau meddygol cyffredinol, a materion gwledig a threfol.

E-bostiwyd copi o adroddiad yr Athro Townsend ar dargedu iechyd gwael yng Nghymru at yr Aelodau ar 26 Chwefror 2002.

Cyflwynwyd y gwelliannau canlynol:

Yn unol â'r canllawiau diwygiedig ar Grwpio, Dewis a Gwrthod Gwelliannau, mae'r Llywydd wedi penderfynu ym mha drefn y dylid eu cymryd ac mae wedi penderfynu grwpio'r gwelliannau fel a ganlyn at ddibenion trafodaeth. Bydd y pleidleisiau'n cael eu cymryd yn unigol:

(1) + (2)

(3) + (4) + (5)

Gwelliant 1 - Jonathan Morgan (Canol De Cymru)

Ym mhwynt 1 rhoi "nodi" yn lle "croesawu".

Gwelliant 2 - Jonathan Morgan (Canol De Cymru)

Dileu pwyntiau 2, 3, 4, 5 a 6 a rhoi yn eu lle:

2. Yn nodi ymhellach y comisiynwyd Adroddiad Townsend cyn i'r Weinyddiaeth benderfynu'n ddisymwth y dylid cael gwared ar yr Awdurdodau Iechyd;

3. Yn cydnabod nad yw'r argymhellion ynghylch ailddyrranu adnoddau yn Adroddiad Townsend wedi'u dadansoddi eto ar lefel y Byrddau Iechyd Lleol;

4. Yn credu y dylid caniatáu i'r Byrddau Iechyd Lleol newydd ymsefydlu cyn ystyried cyflwyno fformiwla newydd i ddyrranu adnoddau;

5. Yn croesawu'r argymhellion hynny yn Adroddiad Townsend sy'n trafod materion ac eithrio'r fformiwla dyrannu adnoddau, ac yn galw am eu rhoi ar waith ar unwaith;

6. Yn cydnabod y bydd angen rhoi mwy o arian i'r Gronfa Anghydraddoldebau Iechyd oni newidir y fformiwla dyrannu adnoddau.

Gwelliant 3 - Jocelyn Davies (Dwyrain De Cymru)

Ym mhwynt 5, ar ôl 'Ebrill 2003' rhoi:

ond yn nodi bod dyrannu adnoddau yn yr adroddiad hwn yn seiliedig ar yr Awdurdodau Iechyd, a fydd yn peidio â bod ar ôl y dyddiad hwnnw.

Gwelliant 4 - Jocelyn Davies (Dwyrain De Cymru)

Ym mhwynt 6 ar ôl "gwledig a threfol" rhoi:

ac yn galw ar y Gweinidog i sicrhau y daw'r fformiwla ddiwygiedig yn ôl i'r cyfarfod llawn i'w chymeradwyo gan y Cynulliad Cenedlaethol.

Gwelliant 5 - Jocelyn Davies (Dwyrain De Cymru)

Ychwanegu pwynt newydd ar ddiwedd y cynnig:

Yn nodi bod y cyllid annigonol a geir drwy Fformiwla Barnett yn cael effaith uniongyrchol ar allu'r Cynulliad Cenedlaethol i sicrhau bod digon o gapasiti yn y Gwasanaeth Iechyd Gwladol yng Nghymru i ateb yr angen.

Cliciwch [yma](#) i weld y Adroddiad Athro Townsend ar dargedu iechyd gwael yng Nghymru - Ar gael yn Saesneg yn unig

Eitem 5

Dadl ar Weithdrefn Gwyno'r GIG

NDM989- Mae'r Cynulliad Cenedlaethol:

1. Yn croesawu'r ymatebion i'r ymgynghori ar ddiwygio Gweithdrefn Gwyno'r GIG;
2. Yn cydnabod y bydd y canlyniad yn arwain at ddiwygiadau a fydd yn ymgorffori'r egwyddorion a ganlyn:
 - a) datrys cymaint o gwynion â phosibl yn lleol
 - b) gwneud y broses yn un gyflymach ac yn un fwy annibynnol
 - c) rhoi digon o gymorth i bobl sydd am wneud cwyn ac i'r rheini y gwneir cwyn yn eu herbyn
 - d) sicrhau bod y GIG yng Nghymru yn dysgu oddi wrth gwynion a wneir yn ei erbyn
3. Yn cymeradwyo bwriad y Gweinidog dros Iechyd a Gwasanaethau Cymdeithasol i lunio cynllun gweithredu ar gyfer cyflwyno gweithdrefn gwyno ddiwygiedig erbyn mis Ebrill 2003, (ac i adrodd ymhellach i'r Cynulliad Cenedlaethol)

Mae copi o'r ymatebion i'r ymgynghori ar ddiwygio Gweithdrefn Gwyno'r GIG ar gael yn Llyfrgell y Cynulliad.

Cyflwynwyd y gwelliannau canlynol:

Yn unol â'r canllawiau diwygiedig ar Grwpio, Dewis a Gwrthod Gwelliannau, mae'r Llywydd wedi penderfynu ym mha drefn y dylid eu cymryd ac mae wedi penderfynu grwpio'r gwelliannau fel a ganlyn at ddibenion trafodaeth. Bydd y pleidleisiau'n cael eu cymryd yn unigol:

(1) + (2) + (4)

(3)

1. Jocelyn Davies (Dwyrain De Cymru)

Ar ddiwedd pwynt 2.c), ychwaneger:

" , gan gynnwys rhoi mwy o rôl i Gyngorau Iechyd Cymuned i gynrychioli cleifion trwy'r broses gwynion."

2. Jocelyn Davies (Dwyrain De Cymru)

Ar ddiwedd pwynt 2.d), ychwaneger:

" , ac y bydd cofrestr Cymru gyfan o hawliadau esgeulustod clinigol, o'i chwblhau ar fyrder, o gymorth i hynny."

3. Jonathan Morgan (Canol De Cymru)

Ar ddiwedd y cynnig, ychwaneger pwynt newydd:

Yn credu y bydd gan Gyngorau Iechyd Cymuned ran allweddol i'w chwarae mewn unrhyw weithdrefn gwyno newydd o fewn y GIG

4. Jocelyn Davies (Dwyrain De Cymru)

Ychwanegu fel pwynt newydd ar ddiwedd y cynnig:

" Yn nodi'r costau blynyddol aruthrol a ysgwyddir gan y GIG yn sgil hawliadau esgeulustod clinigol a bod taliadau ariannol blynyddol a'r rhagolygon ar gyfer costau hawliadau o'r fath bedair gwaith yn uwch nag oeddynt bedair blynedd yn ôl."

Eitem 6

Cymeradwyo'r Dyfarniadau ar Dâl a Lwfansau Aelodau

NDM990 - Cynnig bod y Cynulliad Cenedlaethol:

Yn cymeradwyo Penderfyniad Cynulliad Cenedlaethol Cymru (Aelodau a Swyddogion y Cynulliad) (Cyflogau, Lwfansau etc) 2002 a osodwyd yn y Swyddfa Gyflwyno ar 6 Mawrth 2002.

Cliciwch [yma](#) i weld Penderfyniad Cynulliad Cenedlaethol Cymru (Aelodau a Swyddogion y Cynulliad) (Cyflogau, Lwfansau etc) 2002 - Ar gael yn Saesneg yn unig.

Eitem 7

Dadl Fer:

NDM988 Janice Gregory (Ogwr): Cyllid Cymunedol - Datgloi ein Potensial

Dylai'r cyfarfod ddod i ben erbyn 12.35pm

Cynhelir Cyfarfod Llawn nesaf y Cynulliad am

2.00pm ddydd Mawrth, 19 Mawrth 2002

E P Silk

Clerc y Cynulliad